

**Rhif Cwmni Cofrestredig: 7550507**

**Rhif Elusen Cofrestredig: 1143525**

## **Y COLEG CYMRAEG CENEDLAETHOL**

**Adroddiad yr Ymddiriedolwyr a'r Datganiadau  
Ariannol**

**Ar gyfer y flwyddyn a orffennwyd ar 31 Mawrth  
2018**

## **Adroddiad yr Ymddiriedolwyr a'r datganiadau ariannol ar gyfer y flwyddyn a orffennwyd 31 Mawrth 2018**

	<b>TUDALEN</b>
GWYBODAETH GYFREITHIOL A GWEINYDDOL	1
ADRODDIAD YR YMDDIRIEDOLWYR AR GYFER Y FLWYDDYN A ORFENNWYD AR 31 MAWRTH 2018	2
ADRODDIAD YR ARCHWILWYR ANNIBYNNOL AT AELODAU'R COLEG CYMRAEG CENEDLAETHOL	9
DATGANIAD O WEITHGAREDDAU ARIANNOL (GAN GYNNWYS Y CYFRIF INCWM A GWARIANT)	12
MANTOLEN AR 31 MAWRTH 2018	13
DATGANIAD O LIFAU ARIAN PAROD	14
NODIADAU I'R DATGANIADAU ARIANNOL	15

# Gwybodaeth gyfreithiol a gweinyddol

## Ymddiriedolwyr a Chyfarwyddwyr

<b>Cadeirydd</b>	Dr Haydn E. Edwards
<b>Cyfarwyddwyr</b>	Pedr ap Llwyd (Penodwyd 1 Ebrill 2018) William David Callaway Professor Iwan Rhun Davies Dr Thomas Gerald Hunter Gwilym Dyfri Jones Dr Thomas Hefin Jones Dr Rhodri Llwyd Morgan Llinos Ann Roberts (Penodwyd 1 Ebrill 2018) Professor Hywel Rhys Thomas Ieuan Wyn
<b>Swyddfa gofrestredig</b>	Y Llwyfan Heol Y Coleg Caerfyrddin Sir Gaerfyrddin SA31 3EQ
<b>Rhif cofrestredig</b>	07550507 (Cymru a Lloegr)
<b>Statws</b>	Cwmni cyfyngedig drwy warant
<b>Rhif elusen</b>	1143525

## **Adroddiad yr Ymddiriedolwyr ar gyfer y flwyddyn a orffennwyd 31 Mawrth 2018**

Mae'r Ymddiriedolwyr yn falch o gyflwyno eu hadroddiad blynyddol, ynghyd â datganiadau ariannol yr Elusen am y flwyddyn a orffennwyd ar 31 Mawrth 2018 sydd hefyd yn bodloni'r gofynion ar gyfer adroddiad cyfarwyddwyr a chyfrifon at ddibenion Deddf Cwmnïau.

Mae'r datganiadau ariannol yn cydymffurfio â Deddf Elusennau 2011, Deddf Cwmnïau 2006, y Memorandwm ac Erthyglau Cymdeithas ac Adrodd gan Elusennau, Datganiad o'r Arfer a Argymhellir sy'n berthnasol i elusennau sy'n paratoi eu cyfrifon yn unol â'r Datganiad Adrodd Ariannol sy'n berthnasol yn y DU a Gweriniaeth Iwerddon (FRS102) (a ddaeth i rym 1 Ionawr 2015) (SORP Elusennau (FRS102)).

### **Adroddiad y Cadeirydd**

Cymerwyd camau pellach sylweddol yn ystod y flwyddyn tuag at gyflawni amcanion y Coleg, ar adeg o newid cyson ac ansicrwydd ariannol sylweddol yn y sector Addysg Uwch yng Nghymru a thu hwnt. Yn ystod y flwyddyn, rydym wedi cynnal dadansoddiad sylweddol o gynnydd addysgu cyfrwng Cymraeg mewn sefydliadau a gefnogir gan y Coleg. Mae'r twf clir mewn niferoedd myfyrwyr, y staff sy'n addysgu yn y Gymraeg ac ehangder a dyfnder y ddarpariaeth cyfrwng Cymraeg ar draws prifysgolion yn arwyddocaol. Mae'r Coleg wedi croesawu penderfyniad Llywodraeth Cymru, yn dilyn argymhellion Grŵp Gorchwyl a Gorffen dan gadeiryddiaeth Delyth Evans, i ymestyn cylch gwaith y Coleg i gynnwys y sectorau Addysg Bellach a Dysgu yn Seiliedig ar Waith (DSW). Ers mis Ionawr 2018, buom yn gweithio gyda chydweithwyr yn Llywodraeth Cymru a'r sectorau AB a DSW i sicrhau bod cynllun cadarn ac uchelgeisiol yn cael ei roi ar waith, gyda chefnogaeth adnoddau addas.

Roedd 2017/18 yn flwyddyn bwysig i'r Coleg oherwydd daeth cyfran sylweddol o'r cyllid ar gyfer y Cynllun Staffio Academaidd i ben a symudodd y trosglwyddo i grantiau pwnc a chyllid prifysgol ymlaen. Rwy'n falch iawn i adrodd bod y mwyafrif helaeth o'r darlithwyr hyn wedi cael cynnig contractau parhaol gan eu sefydliadau ac maent yn parhau i addysgu trwy gyfrwng y Gymraeg. Dyfarnwyd 9 Ysgoloriaeth PhD (a ariennir ar y cyd) yn ystod 2017/18, tra bod nifer o ddeiliaid ysgoloriaeth flaenorol wedi cwblhau eu doethuriaethau yn llwyddiannus, a phenodwyd nifer o bobl eraill i swyddi academaidd neu i swyddi sy'n gysylltiedig ag academia mewn prifysgolion. Mae Canghennau'r Coleg o fewn prifysgolion wedi bod yn weithgar wrth recriwtio myfyrwyr a staff i'r Coleg. Maent wedi cyflwyno rhaglen eang a phoblogaidd o ddigwyddiadau a darlithoedd ar gyfer myfyrwyr a staff. Parhaodd llwyfannau dysgu electronig y Coleg i ddatblygu gydag ystod eang o fodiwlau ac adnoddau prifysgol nawr yn cael eu cynnal ar Y Porth, amgylchedd dysgu rhithwir y Coleg.

Cofrestrodd dros 3,000 o fyfyrwyr, dros 3,000 o ddarpar fyfyrwyr a dros 900 o staff fel aelodau o gymuned academaidd y Coleg. Dyfarnwyd dros 400 o ysgoloriaethau myfyriwr (israddedig a meistri). Cyhoeddwyd tri rhifyn o Werddon, sef cylchgrawn ymchwil y Coleg, ynghyd ag ystod o adnoddau electronig yn y Gymraeg, gan gynnwys monograffau newydd ac ail-gyhoeddiad digidol nifer o waith sydd allan o brint. Gwnaed Gwerfyl Roberts a'r Athro Gareth Roberts yn gymrodyr anrhydeddus y Coleg.

# **Adroddiad yr Ymddiriedolwyr ar gyfer y flwyddyn a orffennwyd 31 Mawrth 2018 (parhad)**

**Ein diben a'n gweithgareddau**

**Amcanion elusennol**

Amcan y Coleg fydd, er budd y cyhoedd, hyrwyddo dysgu a gwybodaeth drwy:

- (a) hyrwyddo, cynnal, datblygu a chynllunio darpariaeth cyfrwng Cymraeg a darpariaeth iaith Gymraeg a gweithgareddau cysylltiedig ym maes addysg uwch, addysg bellach ac addysg barhaus yng Nghymru, gan weithio gyda sefydliadau addysg uwch, sefydliadau addysg bellach, ysgolion a sefydliadau partner yng Nghymru, a thrwyddynt;
- (b) hyrwyddo, cynnal, datblygu a chynllunio prosesau dysgu, caffael, gloywi a gwella sgiliau cyfathrebu iaith Gymraeg pobl yn gyffredinol, gan weithio gyda sefydliadau priodol yng Nghymru neu mewn mannau eraill.

**Budd cyhoeddus**

Mae'r Ymddiriedolwyr wedi ystyried canllawiau'r Comisiwn Elusennau ar fudd cyhoeddus gan gydnabod dwy egwyddor budd cyhoeddus ac mae o'r farn bod y Coleg, fel elusen, yn bodloni'r egwyddorion hynny. Nodir Amcanion y Coleg uchod.

- a) Mae'n rhaid bod budd neu fuddiannau canfyddadwy sy'n glir, yn gysylltiedig â nodau'r Coleg ac wedi'u pwysu a'u mesur yn erbyn unrhyw anfantais neu niwed.
- b) Mae'n rhaid bod buddiannau i'r cyhoedd neu garfan o'r cyhoedd. Mae'n rhaid i'r buddiolwyr fod yn briodol i'r nodau ac, os cynigir budd i garfan o'r cyhoedd, ni ddylid cyfyngu'n afresymol ar y cyfle i gael budd ac ni ddylid eithrio pobl mewn tloidi rhag cael budd.
- c) Yr unigolion hynny sydd am gael addysg uwch drwy gyfrwng y Gymraeg yw'r buddiolwyr posibl o ran gweithgareddau'r Coleg. Mae hyn yn agored i bawb sy'n meddu ar y sgiliau gofynnol a'r penderfyniad i geisio addysg uwch yn y modd hwn.

**Cyflawniadau a pherfformiad**

Nodir y rhain yn Adroddiad y Cadeirydd.

**Cynlluniau i'r dyfodol**

Rydym yn rhagweld y bydd nifer o ddatblygiadau sylweddol yn digwydd yn y flwyddyn i ddod. Yn dilyn estyniad cyfrifoldebau'r Coleg i gynnwys y sectorau Addysg Bellach a Dysgu yn Seiliedig ar Waith, bydd Adroddiad a baratowyd gan y Grŵp Cynllunio a sefydlwyd ar y cyd gan Lywodraeth Cymru a'r Coleg yn cael ei gyhoeddi. Mae'r Adroddiad yn amlinellu strategaeth feiddgar ac uchelgeisiol i ddatblygu darpariaeth cyfrwng Cymraeg yn y sector ôl-orfodol a bydd nifer o gamau cychwynol yn cael eu cychwyn yn ystod y flwyddyn. Mewn perthynas â strategaeth gyffredinol y Coleg, gan gynnwys ei rôl barhaus yn Addysg Uwch, bydd Cynllun Strategol newydd yn cael ei baratoi a'i ymgynghori arno yn ystod y flwyddyn.

# **Adroddiad yr Ymddiriedolwyr ar gyfer y flwyddyn a orffennwyd 31 Mawrth 2018 (parhad)**

## **Cyfarwyddwyr**

Datgelir y cyfarwyddwyr a oedd yn eu swyddi yn ystod y flwyddyn a hyd at ddyddiad llofnodi'r datganiadau ariannol ar dudalen 1. Bu'r newidiadau canlynol yn y cyfarwyddwyr yn ystod y flwyddyn a hyd at ddyddiad arwyddo'r datganiadau ariannol:

Fflur Elin (ymddiswyddodd 26 Mehefin 2017)  
Ellen Rose Jones (ymddiswyddodd 29 Ebrill 2018)  
Linda Caroline Wyn (ymddiswyddodd 31 Mawrth 2018)  
Dr Gwyn Lewis (ymddiswyddodd 31 Gorffennaf 2018)

## **Adolygiad ariannol**

Nodir y canlyniadau a'r sefyllfa ariannol ar gyfer y flwyddyn a orffennwyd ar 31 Mawrth 2018 ar dudalennau 12 i 22. Mae'r refeniw yn deillio'n bennaf o arian a gafwyd gan Llywodraeth Cymru (cyfnod o 8 mis a ddaeth i ben 31 Mawrth 2017: Cyngor Cyllido Addysg Uwch Cymru). Mae'r rhan fwyaf o'r costau yn ystod y flwyddyn yn gostau sy'n ymwneud ag ariannu rhaglen weithgareddau'r Coleg, ar ffurf arian grant i brifysgolion a chostau canolog sy'n ymwneud â rhedeg y Coleg.

## **Polisi cronfeydd wrth gefn a busnes gweithredol**

Mae'r Ymddiriedolwyr yn fodlon bod asedau'r Coleg yn ddigonol i gyflawni ei rwymedigaethau o ran ei ymrwymadau rhagamcanol.

Ystyrir bod lefel y cronfeydd wrth gefn yn briodol i sicrhau y gall y Coleg gyflawni ei amcanion ac mae'n gyson â'r Polisi Cronfeydd wrth Gefn.

## **Strwythur, llywodraethu a rheoli**

Mae'r Bwrdd yn cynnwys y Cadeirydd a 12 aelod a benodir yn unol ag Offeryn Llywodraethu'r Coleg. Gwahaniaethir yn glir rhwng rôl y Cadeirydd a rôl Prif Weithredwr y Coleg. Nodir y materion hynny a neilltuir yn arbennig i'w penderfynu gan y Bwrdd yn Erthyglau Cymdeithasu'r Coleg. Mae'r Bwrdd yn gyfrifol am gyfeiriad strategol parhaus y Coleg, defnydd effeithiol ac effeithlon o adnoddau a chymeradwyo datblygiadau mawr, ac mae'n derbyn adroddiadau rheolaidd gan uwch reolwyr.

Mae'r Bwrdd yn cyfarfod deirgwaith y flwyddyn fel arfer ac, yn dilyn adolygiad llywodraethu, mae ganddo dri Bwyllgor sefydlog (y Bwrdd Academaidd, y Pwyllgor Archwilio a Risg, a'r Pwyllgor Cyllid a Dibenion Cyffredinol).

Mae'r Bwrdd Academaidd yn cynghori Bwrdd y Cyfarwyddwyr ar faterion Academaidd. Mae'n rhoi ffocws parhaus ar waith cynllunio academaidd yn y Coleg ac yn arwain y broses o fonitro cynnydd yn erbyn y targedau a nodir yn y Cynllun Academaidd ynghyd â goruchwyllo'r broses ffurfiol o adolygu'r cynlluniau pwnc perthnasol.

## **Adroddiad yr Ymddiriedolwyr ar gyfer y flwyddyn a orffennwyd 31 Mawrth 2018 (parhad)**

### **Strwythur, llywodraethu a rheoli (parhad)**

Mae'r Pwyllgor Archwilio a Risg yn adolygu'r broses o sicrhau effeithiolrwydd systemau ariannol a systemau rheolaeth fewnol eraill (nad ydynt yn rhai academiaidd). Mae'r Pwyllgor Archwilio a Risg hefyd yn gwneud argymhellion ynghylch penodi archwilwyr mewnol ac allanol ac yn adolygu datganiadau ariannol y Coleg, a chyn iddynt gael eu cyflwyno i'r Bwrdd, mae'n adolygu'r llythyr rheoli ac yn derbyn ac ystyried adroddiadau cynnydd ar feysydd o risg sylweddol a nodir gan reolwyr academiaidd. Yn ogystal, mae'r Pwyllgor Archwilio a Risg yn derbyn ac yn ystyried adroddiadau fel y maent yn effeithio ar fusnes y Coleg ac mae'n monitro cydymffurfiaeth â gofynion rheoliadol. Er bod uwch swyddogion yn mynychu cyfarfodydd y Pwyllgor Archwilio a Risg fel y bo angen, nid ydynt yn aelodau o'r Pwyllgor.

Mae Archwilwyr mewnol y Coleg, Baldwins, wedi cynnal sawl adolygiad yn ystod 2017/18 gan gynnwys adolygiadau o gyllidebu, rheoli risg a'r gyflogres.

Fel cwmni elusennol, caiff y Coleg ei lywodraethu gan ei Femorandwm a'i Erthyglau Cymdeithasu, sy'n darparu ar gyfer penodi ac ailbenodi Ymddiriedolwyr.

Caiff yr Ymddiriedolwyr eu penodi am gyfnod cychwynnol o bedair blynedd, a gellir eu hailbenodi am gyfnod pellach o bedair blynedd. Ymhlith y rhai sy'n bresennol yng nghyfarfodydd yr Ymddiriedolwyr mae tîm rheoli'r Coleg, yn arbennig y Prif Weithredwr ac aelodau o'r uwch dîm rheoli, sy'n cyflwyno papurau ar eu meysydd cyfrifoldeb.

Mae'r Ymddiriedolwyr yn goruchwyllo pob un o brif feysydd gweithredol y Coleg, gan gynnwys datblygu a chynllunio academiaidd, cyllid, adnoddau dynol, datblygu staff, marchnata / cyfathrebu, a gwasanaethau gwybodaeth.

Yr Ymddiriedolwyr sy'n penderfynu ar y strategaeth ar gyfer y Coleg. Dirprwyir y gwaith o weithredu'r strategaeth a gwaith rheoli gweithredol i'r Prif Weithredwr a'i gydweithwyr.

Mae'r Coleg yn ymrwymedig i sicrhau safonau uchel o lywodraethu corfforaethol. Mae'r datganiad hwn yn disgrifio sut y caiff egwyddorion llywodraethu corfforaethol perthnasol eu cymhwyso i'r Coleg.

# Adroddiad yr Ymddiriedolwyr ar gyfer y flwyddyn a orffennwyd 31 Mawrth 2018 (parhad)

## Strategaeth rheoli risg

Y Bwrdd sy'n bennaf cyfrifol am sicrhau bod system gadarn o reoli risg, rheolaeth a llywodraethu ar waith. Mae'r cyfarwyddwyr yn cyflawni'r ddyletswydd hon drwy'r elfennau canlynol:

- Adolygiad effeithiol gan y bwrdd a phwyllgorau perthnasol, yn enwedig y Pwyllgor Archwilio a Risg;
- Systemau rheoli sy'n cynnwys polisïau, amcanion a chynlluniau, rheoli risgiau a chyfluoedd allweddol, monitro perfformiad ariannol a gweithredol, diogelu asedau, gwahanu dyletswyddau, awdurdodi a chymeradwyo gweithdrefnau, a systemau gwybodaeth;
- Nodi a rheoli risg ym mhob system busnes.

Nodir dull y Coleg o reoli risg yn effeithiol isod:

- Mae'r Coleg yn canolbwyntio ar reoli risg mewn ffordd weithredol fel rhan annatod o'r broses reoli ym mhob rhan o'r sefydliad;
- Fel rhan o'r fframwaith rheoli risg, mae'r Coleg yn nodi'n glir wahanol fathau o risgiau a wynebwr o ran cyflawni ei amcanion. Gall y risgiau hyn fod yn strategol neu'n weithredol a gall fod iddynt oblygiadau o ran enw da'r Coleg, ei sefyllfa ariannol neu ei weithrediadau o ddydd i ddydd neu unrhyw gyfuniad ohonynt;
- Mae'r Coleg yn annog pob rheolwr i ystyried y risgiau sydd ynghlwm wrth bob penderfyniad, contract neu brosiect mawr fel rhan arferol o'i waith o ddydd i ddydd;
- Mae'r Coleg yn cynnwys gweithgareddau rheoli risg yn y broses gynllunio flynyddol, sef y ffordd y mae Bwrdd y Cyfarwyddwyr yn cydgysylltu gweithgareddau academaidd a gweithgareddau eraill y Coleg ac yn penderfynu arnynt;
- Mae'r Bwrdd a'r uwch dîm rheoli yn ceisio nodi a chanolbwyntio ar risgiau uniongyrchol a risgiau dros dro ag iddynt oblygiadau strategol, a all newid o wythnos i wythnos, yn ogystal â'r risgiau mwy sylweddol a pharhaol a nodir yng nghofrestr risgiau'r Coleg;
- Disgwylir i reolwyr gysylltu'r broses o nodi risgiau â chymau gweithredu, boed hynny er mwyn lleddfu'r risg neu mewn ymateb iddi.
- Mae'r tîm rheoli yn gweithredu'r gweithdrefnau rheoli risg yn effeithiol fel rhan o weithrediad y cwmni o ddydd i ddydd.
- Mae'r Bwrdd yn ei gwneud yn ofynnol i'r Pwyllgor Archwilio a Risg gynnal asesiad o risg sylweddol sy'n rhoi ciplun o'r sefyllfa deirgwaith y flwyddyn. Caiff yr asesiad ei gofnodi drwy'r gofrestr risgiau ac mae'n rhan o'r broses barhaus o reoli risg. Mae'r gofrestr risgiau yn nodi risgiau sylweddol ac yn cynnwys y manylion canlynol:
  - natur y risg
  - ei heffaith bosibl
  - y sawl sy'n 'berchen' ar y risg
  - y prosesau rheoli sy'n rheoli'r risg
  - ei heffaith bosibl wedi dilyn y prosesau rheoli

Mae'r Pwyllgor Archwilio a Risg yn adolygu digonolrwydd y broses o reoli risg yn y Coleg yn rheolaidd wrth iddi barhau i gael ei datblygu.

Mae'r Bwrdd o'r farn bod proses barhaus ar waith ar gyfer nodi, gwerthuso a rheoli risgiau sylweddol y Coleg, bod y broses honno wedi bod ar waith ar gyfer y cyfnod a ddaeth i ben 31 Mawrth 2018 a hyd at ddyddiad cymeradwyo'r adroddiad blynyddol a'r datganiadau ariannol, a bod y broses yn cael ei hadolygu'n rheolaidd gan y Bwrdd.



## **Adroddiad yr Ymddiriedolwyr ar gyfer y flwyddyn a orffennwyd 31 Mawrth 2018 (parhad)**

### **Datganiad o gyfrifoldebau'r Ymddiriedolwyr**

Mae'r Ymddiriedolwyr (sydd hefyd yn gyfarwyddwyr y Coleg Cymraeg Cenedlaethol at ddibenion cyfraith cwmnïau) yn gyfrifol am baratoi Adroddiad yr Ymddiriedolwyr a'r datganiadau ariannol yn unol â'r gyfraith a'r rheoliadau perthnasol.

O dan gyfraith cwmnïau mae'n ofynnol i'r ymddiriedolwyr baratoi datganiadau ariannol ar gyfer pob cyfnod ariannol. O dan y gyfraith honno, mae'r Ymddiriedolwyr wedi paratoi'r datganiadau ariannol yn unol â Safonau Cyfrifyddu'r Deyrnas Unedig, sy'n cynnwys FRS 102 "The Financial Reporting Standard applicable in the UK and Republic of Ireland", a chyfraith berthnasol (Arfer Cyfrifyddu a Dderbynnir yn Gyffredinol yn y Deyrnas Unedig). O dan gyfraith cwmnïau ni ddylai'r ymddiriedolwyr gymeradwyo'r datganiadau ariannol oni fyddant yn fodlon bod y datganiadau hynny yn rhoi darlun gwir a theg o sefyllfa'r cwmni elusennol ac adnoddau sy'n dod i mewn a'r modd y cymhwysir adnoddau'r elusen, gan gynnwys incwm a gwariant, am y cyfnod hwnnw. Wrth baratoi'r datganiadau ariannol hyn, mae'n ofynnol i'r ymddiriedolwyr wneud y canlynol:

- dewis polisiau cyfrifyddu addas a'u cymhwyso'n gyson;
- arsylwi'r dulliau a'r egwyddorion sydd yn Statement of Recommended Practice: Accounting and Reporting by Charities (2015);
- llunio barn a gwneud amcangyfrifon sy'n rhesymol ac yn synhwyrol;
- nodi a ddilynwyd Safonau Cyfrifyddu cymwys y DU, yn cynnwys FRS 102, yn amodol ar unrhyw wyriadau perthnasol a ddatgelir ac a eglurir yn y datganiadau ariannol;
- paratoi'r datganiadau ariannol ar sail busnes gweithredol, oni bai ei bod yn amhriodol tybio y bydd y cwmni elusennol yn parhau i weithredu.

Mae'r Ymddiriedolwyr yn gyfrifol am gadw cofnodion cyfrifyddu sy'n ddigonol i ddangos ac esbonio trafodion y cwmni elusennol a datgelu sefyllfa ariannol y cwmni elusennol yn rhesymol gywir ar unrhyw adeg a'u galluogi i sicrhau bod y datganiadau ariannol yn cydymffurfio â Deddf Cwmnïau 2006. Maent hefyd yn gyfrifol am ddiogelu asedau'r cwmni elusennol ac felly am gymryd camau rhesymol i atal a chanfod achosion o dwyll ac anghysondebau eraill.

Mae'r ymddiriedolwyr yn gyfrifol am gynnal gwefan y cwmni elusennol a sicrhau ei bod yn gywir. Gall deddfwriaeth yn y Deyrnas Unedig sy'n llywodraethu'r gwaith o baratoi a lledaenu datganiadau ariannol fod yn wahanol i deddfwriaeth mewn awdurdodaethau eraill.

### **Datgelu gwybodaeth i archwilwyr**

Hyd y gŵyr yr ymddiriedolwyr:

- nid oes unrhyw wybodaeth archwilio berthnasol nad yw archwilwyr y cwmni elusennol yn ymwybodol ohoni;
- mae'r ymddiriedolwyr wedi cymryd yr holl gamau y dylent fod wedi'u cymryd i sicrhau eu bod yn ymwybodol o unrhyw wybodaeth archwilio berthnasol ac i sicrhau bod yr archwilwyr yn ymwybodol o'r wybodaeth honno.

## **Adroddiad yr Ymddiriedolwyr ar gyfer y flwyddyn a orffennwyd 31 Mawrth 2018 (parhad)**

### **Archwilwyr annibynnol**

Cynigir y dylid ailbenodi'r archwilwyr, PricewaterhouseCoopers LLP, yn unol ag Adran 487(2) o Ddeddf Cwmnïau 2006.

### **Eithriad cwmnïau bach**

Wrth lunio'r adroddiad hwn, mae'r cyfarwyddwyr wedi manteisio ar eithriadau cwmnïau bach a ddarperir gan adran 415A o Ddeddf Cwmnïau 2006.

Cafodd yr adroddiad hwn ei gymeradwyo gan yr Ymddiriedolwyr ar 13/12/18 a'i lofnodi ar eu rhan gan:



**Dr Haydn E Edwards**  
**Y Coleg Cymraeg Cenedlaethol**

# **Adroddiad yr archwilwyr annibynnol at aelodau'r Coleg Cymraeg Cenedlaethol**

## **Adroddiad ar yr archwiliad o'r datganiadau ariannol**

### **Barn**

Yn ein barn ni, mae datganiadau ariannol y Coleg Cymraeg Cenedlaethol (y "datganiadau ariannol"):

- yn rhoi darlun gwir a theg o sefyllfa'r cwmni elusennol ar 31 Mawrth 2018 ynghyd â'r adnoddau a ddaeth i mewn a'r ffordd y defnyddiwyd yr adnoddau, gan gynnwys ei incwm a'i wariant, a llifau arian parod ar gyfer y cyfnod a ddaeth i ben bryd hynny;
- wedi'u paratoi'n briodol yn unol ag Arfer Cyfrifyddu a Dderbynnir yn Gyffredinol yn y Deyrnas Unedig (Safonau Cyfrifyddu'r Deyrnas Unedig, sy'n cynnwys FRS 102 "The Financial Reporting Standard applicable in the UK and Republic of Ireland", a chyfraith gymwys);
- wedi'u paratoi yn unol â gofynion Deddf Cwmniau 2006.

Rydym wedi archwilio'r datganiadau ariannol, sydd wedi'u cynnwys yn Adroddiad yr Ymddiriedolwyr a'r Datganiadau Ariannol (yr "Adroddiad Blynyddol"), sy'n cynnwys: y fantolen ar 31 Mawrth 2018; datganiad o weithgareddau ariannol (gan gynnwys y cyfrif incwm a gwariant), y datganiad o lifau arian parod ar gyfer y cyfnod a ddaeth i ben bryd hynny a'r nodiadau i'r datganiadau ariannol.

---

### **Sail y farn**

Cynhaliwyd ein harchwiliad yn unol â Safonau Archwilio Rhyngwladol (y DU) a chyfraith gymwys. Caiff ein cyfrifoldebau o dan y Safonau hyn eu disgrifio ymhellach yn adran Cyfrifoldebau'r archwilwyr am archwilio'r adran datganiadau ariannol o'n hadroddiad. Credwn fod y dystiolaeth archwilio rydym wedi'i chael yn ddigonol ac yn briodol i ddarparu sail i'n barn.

### **Annibyniaeth**

Gwnaethom barhau i fod yn annibynnol ar y cwmni elusennol yn unol â'r gofynion moesegol sy'n berthnasol i'n harchwiliad o'r datganiadau ariannol yn y DU, sy'n cynnwys Safon Foesegol yr FRC ac rydym wedi cyflawni ein cyfrifoldebau moesegol eraill yn unol â'r gofynion hyn.

---

### **Casgliadau yn ymwneud â busnes gweithredol**

Nid oes gennym unrhyw beth i'w nodi o ran y materion canlynol y mae Safonau Archwilio Rhyngwladol y DU yn ei gwneud yn ofynnol i ni gyflwyno adroddiad i chi arnynt os bydd yr amgylchiadau canlynol yn berthnasol:

- nid yw defnydd yr ymddiriedolwyr o sail gyfrifyddu busnes gweithredol wrth baratoi'r datganiadau ariannol yn briodol; neu
- nid yw'r ymddiriedolwyr wedi datgelu yn y datganiadau ariannol unrhyw ansicrwydd perthnasol a nodwyd a all fwrw amheuaeth sylweddol dros allu'r cwmni elusennol i barhau i fabwysiadu sail gyfrifyddu busnes gweithredol am gyfnod o 12 mis o leiaf o'r dyddiad pan awdurdodir cyhoeddi'r datganiadau ariannol.

Fodd bynnag, am nad oes modd rhagweld pob digwyddiad neu amod yn y dyfodol, nid yw'r datganiad hwn yn gwarantu gallu'r cwmni elusennol i barhau fel busnes gweithredol.

# **Adroddiad yr archwilywyr annibynnol at aelodau'r Coleg Cymraeg Cenedlaethol (parhad)**

## **Cyflwyno adroddiadau ar wybodaeth eraill**

Mae'r wybodaeth arall yn cynnwys yr holl wybodaeth yn yr Adroddiad Blynnyddol, heblaw am y datganiadau ariannol ac adroddiad ein harchwilywyr arnynt. Yr ymddiriedolwyr sy'n gyfrifol am y wybodaeth arall. Nid yw ein barn am y datganiadau ariannol yn cwmpasu'r wybodaeth arall ac, felly, ni fynegwn farn archwilio nac ychwaith, ar wahân i'r graddau a nodir fel arall yn benodol yn yr adroddiad hwn, unrhyw fath o sicrwydd arni.

Mewn perthynas â'n harchwiliad o'r datganiadau ariannol, ein cyfrifoldeb yw darllen y wybodaeth arall ac, wrth wneud hynny, ystyried a yw'r wybodaeth arall yn anghyson yn berthnasol â'r datganiadau ariannol neu ein gwybodaeth a gafwyd yn ystod yr archwiliad, neu fel arall yr ymddengys ei bod wedi'i chamddatgan yn berthnasol. Os nodwn anghysondeb perthnasol neu gamddatganiad perthnasol ymddangosiadol, mae'n ofynnol i ni bennu a fu camddatganiad perthnasol o'r datganiadau ariannol neu gamddatganiad perthnasol o'r wybodaeth arall. Os down i'r casgliad, ar sail ein gwaith, fod camddatganiad perthnasol o'r wybodaeth arall hon, rhaid i ni nodi hynny. Nid oes gennym unrhyw beth i'w nodi ar sail y cyfrifoldebau hyn.

Ar sail y cyfrifoldebau a ddisgrifir uchod a'n gwaith yn ystod yr archwiliad, mae Safonau Archwilio Rhyngwladol y DU yn ei gwneud yn ofynnol i ni adrodd rhai barnau a materion fel y disgrifir isod.

## **Adroddiad yr Ymddiriedolwyr**

Yn ein barn ni, ar sail y gwaith a wnaed yn ystod yr archwiliad, mae'r wybodaeth a roddwyd yn Adroddiad yr Ymddiriedolwyr ar gyfer y cyfnod ariannol y paratowyd y datganiadau ariannol ar ei chyfer yn gyson â'r datganiadau ariannol; ac mae Adroddiad yr Ymddiriedolwyr wedi'i baratoi yn unol â gofynion cyfreithiol cymwys.

Hefyd, yn sgil gwybodaeth a dealltwriaeth y cwmni elusennol a'i amgylchedd a gafwyd yn ystod yr archwiliad, mae'n ofynnol i ni adrodd a ydym wedi nodi unrhyw gamddatganiadau perthnasol yn Adroddiad yr Ymddiriedolwyr. Nid oes gennym unrhyw beth i'w nodi yn hyn o beth.

## **Cyfrifoldebau dros y datganiadau ariannol a'r archwiliad**

### **Cyfrifoldebau'r ymddiriedolwyr dros y datganiadau ariannol**

Fel yr eglurir yn fanylach yn y Datganiad o Gyfrifoldebau'r Ymddiriedolwyr ar dudalen 7, mae'r ymddiriedolwyr yn gyfrifol am baratoi'r datganiadau ariannol yn unol â'r fframwaith cymwys ac am fodloni'u hunain bod y datganiadau hynny yn rhoi darlun gwir a theg. Mae'r ymddiriedolwyr hefyd yn gyfrifol am y fath reolaeth fewnol ag sy'n angenrheidiol yn eu barn nhw i allu paratoi datganiadau ariannol heb unrhyw gamddatganiadau perthnasol, boed hynny drwy dwyll neu wall.

Wrth baratoi'r datganiadau ariannol, mae'r ymddiriedolwyr yn gyfrifol am asesu gallu'r cwmni elusennol i barhau fel busnes gweithredol, gan ddatgelu fel sy'n gymwys, faterion yn ymwneud â busnes gweithredol a defnyddio sail gyfrifyddu busnes gweithredol oni fydd yr ymddiriedolwyr naill ai'n bwriadu diddymu'r cwmni elusennol neu roi'r gorau i weithredu, neu nad oes ganddynt opsiwn amgen realistig ond gwneud hynny.

### **Cyfrifoldebau'r archwilywyr dros y datganiadau ariannol**

Ein hamcanion yw cael sicrwydd rhesymol ynghylch a yw'r datganiadau ariannol gyda'i gilydd yn rhydd o gamddatganiad perthnasol, boed hynny drwy dwyll neu wall, a chyhoeddi adroddiad yr archwilywyr sy'n cynnwys ein barn. Mae sicrwydd rhesymol yn lefel uchel o sicrwydd, ond nid yw'n gwarantu y bydd archwiliad a gynhelir yn unol â Safonau Archwilio Rhyngwladol y DU bob amser yn canfod camddatganiad perthnasol pan fo'n bodoli. Gall camddatganiadau ddeillio o dwyll neu wall ac fe'u hystyriar yn berthnasol os, yn unigol neu gyda'i gilydd, y gellid disgwyl iddynt yn rhesymol ddylanwadu ar benderfyniadau economaidd defnyddwyr a wneir ar sail y datganiadau ariannol hyn.

Ceir disgrifiad pellach o'n cyfrifoldebau am archwilio'r datganiadau ariannol ar wefan y Cyngor Adrodd Ariannol yn: [www.frc.org.uk/auditorsresponsibilities](http://www.frc.org.uk/auditorsresponsibilities). Mae'r disgrifiad hwn yn rhan o'n hadroddiad archwilio.

# **Adroddiad yr archwilwyr annibynnol at aelodau'r Coleg Cymraeg Cenedlaethol (parhad)**

## **Defnyddio'r adroddiad hwn**

Paratowyd yr adroddiad hwn, yn cynnwys y farn, ar gyfer aelodau'r elusen fel corff ac ar eu cyfer hwy yn unig yn unol â Phennod 3 o Ran 16 o Ddeddf Cwmnïau 2006 ac nid at unrhyw ddiben arall. Nid ydym, wrth roi'r farn hon, yn derbyn nac yn cymryd cyfrifoldeb am unrhyw ddiben arall nac unrhyw berson arall y dangosir yr adroddiad hwn iddo neu y daw ger ei fron heblaw lle y mynegir hynny'n benodol drwy ein caniatâd ysgrifenedig ymlaen llaw.

---

## **Adroddiadau gofynnol eraill**

---

### **Adroddiadau eithriadau Deddf Cwmnïau 2006**

Yn unol â Deddf Cwmnïau 2006, mae'n ofynnol i ni eich hysbysu os yw'r canlynol yn berthnasol yn ein barn ni:

- nid ydym wedi cael yr holl wybodaeth ac esboniadau sydd eu hangen arnom ar gyfer ein harchwiliad; neu
- nid oes cofnodion cyfrifyddu digonol wedi'u cadw, neu ni chafwyd ffurflenni sy'n ddigonol ar gyfer ein harchwiliad gan ganghennau nad ymwelwyd â hwy; neu
- ni wneir rhai datgeliadau ynghylch cydnabyddiaeth ymddiriedolwyr a ragnodwyd gan y gyfraith; neu
- nid yw'r datganiadau ariannol yn gyson â'r cofnodion a'r ffurflenni cyfrifyddu.

Nid oes unrhyw eithriadau gennym i'w cofnodi yn deillio o'r cyfrifoldeb hwn.

---

### **Yr hawl i fanteisio ar eithriadau**

Yn unol â Deddf Cwmnïau 2006, mae'n ofynnol i ni eich hysbysu os, yn ein barn ni, nad oedd gan yr ymddiriedolwyr yr hawl i wneud y canlynol: paratoi datganiadau ariannol yn unol â threfn y cwmnïau bach; manteisio ar yr eithriad i gwmnïau bach wrth baratoi Adroddiad yr Ymddiriedolwyr a manteisio ar yr eithriad i gwmnïau bach rhag paratoi Adroddiad Strategol. Nid oes unrhyw eithriadau gennym i'w cofnodi yn deillio o'r cyfrifoldeb hwn.

*Ian Clarke*

Ian Clarke (Uwch Archwilydd Statudol)  
Dros ac ar ran PricewaterhouseCoopers LLP  
Cyfrifyddion Siartredig ac Archwilwyr Statudol  
Caerdydd

Dyddiad: 13 Rhagfyr 2018

Rhif Cwmni Cofrestredig: 7550507  
 Rhif Elusen Cofrestredig: 1143525

**Datganiad o weithgareddau ariannol (gan gynnwys y cyfrif incwm a gwariant) ar gyfer y flwyddyn a orffennwyd 31 Mawrth 2018**

		Y flwyddyn a orffennwyd 31 Mawrth 2018	Cyfnod o 8 mis a ddaeth i ben 31 Mawrth 2017
	Nodyn		
<b>Incwm</b>		<b>£000</b>	<b>£000</b>
Rhoddion	3	6,138	5,977
Incwm o fuddsoddiad		5	11
<b>Cyfanswm yr adnoddau sy'n dod i mewn</b>		<b>6,143</b>	<b>5,988</b>
<b>Gwariant</b>			
Gweithgareddau elusennol	4	(6,172)	(5,835)
<b>Cyfanswm y gwariant</b>		<b>(6,172)</b>	<b>(5,835)</b>
<b>(Gwariant)/Incwm net ar gyfer y flwyddyn/cyfnod</b>		<b>(29)</b>	<b>153</b>
<b>Cysoni cronfeydd</b>			
Balansau'r cronfeydd a ddygwyd ymlaen ar ddechrau'r flwyddyn/cyfnod		2,903	2,750
<b>Balansau'r cronfeydd a gariwyd ymlaen ar ddechrau'r flwyddyn</b>		<b>2,874</b>	<b>2,903</b>

Mae'r holl enillion a cholledion a gydnabuwyd yn ystod y flwyddyn wedi'u cynnwys yn y Datganiad o Weithgareddau Ariannol.

Mae'r holl adnoddau a ddaeth i mewn a'r adnoddau a wariwyd yn deillio o weithgareddau parhaus.

## Mantolen ar 31 Mawrth 2018

	Nodyn	31 Mawrth 2018 £000	31 Mawrth 2017 £000
<b>Asedau sefydlog</b>			
Asedau diriaethol	6	38	59
<b>Asedau Cyfredol</b>			
Dyledwyr	7	204	41
Arian parod yn y banc ac mewn llaw		2,990	3,102
<b>Cyfanswm yr asedau cyfredol</b>		<b>3,194</b>	<b>3,143</b>
<b>Credydwyr: symiau sy'n ddyledus o fewn blwyddyn</b>	8	<b>(130)</b>	<b>(46)</b>
<b>Asedau cyfredol net</b>		<b>3,064</b>	<b>3,097</b>
<b>Cyfanswm yr asedau llai rhwymedigaethau cyfredol</b>			
Darpariaeth bensiw	9	(228)	(253)
<b>Asedau net</b>		<b>2,874</b>	<b>2,903</b>
<b>Cronfeydd yr elusen</b>			
Cyfanswm cronfeydd yr elusen / cronfeydd incwm anghyfngedig		2,874	2,903

Mae'r ymddiriedolwyr wedi paratoi'r cyfrifon yn unol ag adran 398 o Ddeddf Cwmnïau 2006 ac adran 138 o Ddeddf Elusennau 2011. Caiff y cyfrifon hyn eu paratoi'n unol â darpariaethau arbennig Rhan 15 o'r Ddeddf Cwmnïau sy'n ymwneud â chwmnïau bach ac maent yn ffurfio'r cyfrifon blynyddol sy'n ofynnol o dan Ddeddf Cwmnïau 2006 a dylid eu rhannu ag aelodau'r cwmni.

Cymeradwywyd y datganiadau ariannol ar dudalennau 12 i 22 gan yr Ymddiriedolwyr ac fe'u llofnodir ar eu rhan gan:

Dr Haydn E Edwards  
Cyfarwyddwr  
Dyddiad 13/12/18



Mae'r nodiadau yn rhan o'r datganiadau ariannol hyn

**Datganiad o lifau arian parod  
ar gyfer y flwyddyn a orffennwyd 31 Mawrth 2018**

	Y flwyddyn a orffennwyd 31 Mawrth 2018	Cyfnod o 8 mis a ddaeth i ben 31 Mawrth 2017
	£000	£000
Arian parod a (ddefnyddwyd gan)/ddarparwyd drwy weithgareddau gweithredu (gweler isod)	(106)	92
<b>Lifau arian parod o weithgareddau buddsoddi</b>		
Incwm llog	5	11
Prynu asedau sefydlog diriaethol	(11)	(36)
<b>Arian parod a ddefnyddiwyd mewn gweithgareddau buddsoddi</b>	<b>(6)</b>	<b>(25)</b>
<b>(Gostyngiad)/Cynnydd mewn arian parod a'r hyn sy'n cyfateb i arian parod yn y flwyddyn/cyfnod</b>	<b>(112)</b>	<b>67</b>
Arian parod a'r hyn sy'n cyfateb i arian parod ar ddechrau'r flwyddyn/cyfnod	3,102	3,035
<b>Cyfanswm arian parod a'r hyn sy'n cyfateb i arian parod ar ddiwedd y flwyddyn/cyfnod</b>	<b>2,990</b>	<b>3,102</b>

**Cysoni symudiadau net mewn cronfeydd i lif arian parod net o weithgareddau gweithredu**

	Y flwyddyn a orffennwyd 31 Mawrth 2018	Cyfnod o 8 mis a ddaeth i ben 31 Mawrth 2017
	£000	£000
Symudiad net mewn cronfeydd	(29)	153
Ychwanegu tâl dibrisio	27	12
Colled ar waredu asedad dirieathol	5	-
Diddynu incwm llog a ddangosir mewn gweithgareddau buddsoddi	(5)	(11)
(Cynnydd)/Gostyngiad mewn dyledwyr	(163)	40
Cynnydd/(Gostyngiad) mewn credydwyr	84	(47)
Symudiad mewn darpariaeth pensiwn	(25)	(55)
<b>Arian parod net (a ddefnyddwyd gan)/ddarparwyd drwy weithgareddau gweithredu</b>	<b>(106)</b>	<b>92</b>



# Nodiadau i'r datganiadau ariannol ar gyfer y flwyddyn a orffennwyd 31 Mawrth 2018

## 1 Datganiad o Bolisiau Cyfrifyddu

Mae'r prif bolisiau cyfrifyddu, dyfarniadau a ffynonellau allweddol o ansicrwydd amcangyfrif a ddefnyddiwyd wrth baratoi'r datganiadau ariannol fel a ganlyn:

### (a) **Sail y paratoi**

Mae'r datganiadau ariannol wedi'u paratoi'n unol ag Accounting and Reporting by Charities: Statement of Recommended Practice sy'n gymwys i elusennau sy'n paratoi eu cyfrifon yn unol â Financial Reporting Standard applicable in the UK and Republic of Ireland (FRS102) (yn weithredol o 1 Ionawr 2015) – SORP Elusennau (FRS102), Financial Reporting Standard applicable in the UK and Republic of Ireland (FRS102) a Deddf Cwmnïau 2006.

### (b) **Trethiant**

Fel elusen gofrestredig, mae'r elusen wedi'i heithrio ar y cyfan rhag treth gorfforaeth o dan adrannau 466 i 493 o Ddeddf Trethi Corfforaeth 2010, ar yr amod bod yr incwm a geir yn cael ei gymhwyso at ddibenion elusennol. Mae Adran 256 o TCGA 1992 hefyd yn darparu eithriad rhag treth ar enillion cyfalaf, ar yr amod bod yr enillion yn cael eu cymhwyso at ddibenion elusennol. Ni chafwyd unrhyw newidiadau o ran treth yn ystod y flwyddyn.

### (c) **Incwm a pholisïau cydnabod**

Caiff eitemau incwm eu cydnabod a'u cynnwys yn y cyfrifon pan fydd yr holl feini prawf canlynol wedi'u bodloni:

- Mae gan yr Elusen hawl i'r cronfeydd;
- Mae unrhyw amodau perfformiad sydd ynghlwm wrth yr eitem(au) incwm wedi'u bodloni neu o dan reolaeth lawn yr elusen;
- Mae digon o sicrwydd i ystyried bod yr incwm yn debygol o ddod i law;
- Gall y swm gael ei fesur yn ddibynadwy.

### (d) **Llog derbyniadwy**

Caiff llog ar gronfeydd a ddelir ar flaendal ei gynnwys pan fydd yn dderbyniadwy ac y gall yr elusen fesur y swm yn ddibynadwy; gwneir hyn fel arfer pan geir hysbysiad ynghylch y llog a dalwyd neu sy'n daladwy gan y Banc.

### (e) **Rhoi cyfrif am gronfeydd**

Mae cronfeydd anghyfyngedig ar gael i'w gwario ar weithgareddau sy'n datblygu unrhyw un o ddibenion yr elusen.

### (f) **Gwariant**

Cydnabyddir gwariant unwaith y bydd rhwymedigaeth gyfreithiol neu adeiladol i wneud taliad i drydydd parti, ei bod yn debygol y bydd angen setliad ac y gellir mesur swm y rhwymedigaeth yn ddibynadwy. Caiff gwariant ei ddsbarthu o dan y penawdau gweithgareddau canlynol:

- Gwariant ar weithgareddau elusennol gan gynnwys costau gweithgareddau addysgol a gynhelir i ddatblygu dibenion yr elusen a'u costau cymorth cysylltiedig
- Mae gwariant arall yn cynrychioli'r eitemau hynny nad ydynt yn perthyn i unrhyw bennawd arall

### (g) **Dyrannu costau cymorth**

Costau cymorth yw'r swyddogaethau hynny sy'n cynorthwyo gwaith yr elusen ond nad ydynt yn cyflawni gweithgareddau elusennol yn uniongyrchol. Mae costau cymorth yn cynnwys costau swyddfa gefn, personél cyllid, cyflogres a llywodraethu sy'n cefnogi'r gweithgareddau addysgol. Mae'r seiliau a ddefnyddiwyd i ddyrannu costau cymorth wedi'u nodi yn nodyn 4.

## **Nodiadau i'r datganiadau ariannol ar gyfer y flwyddyn a orffennwyd 31 Mawrth 2018 (parhad)**

### **(h) Asedau sefydlog diriaethol**

Caiff asedau sefydlog eu cyfalafu ar sail cost a chânt eu dibrisio drwy gydol eu hoes economaidd ddefnyddiol amcangyfrifedig ar sail llinell syth fel a ganlyn:

	<b>Cyfradd flynyddol</b>
Offer swyddfa	10-25%
Offer cyfrifiadurol	33%

### **(i) Dyledwyr**

Caiff dyledwyr masnach a dyledwyr eraill eu cydnabod ar y swm setlo. Caiff rhagdaliadau eu prisio ar y swm a ragdalwyd ar ôl ystyried unrhyw ostyngiadau masnach sy'n ddyledus.

### **(j) Arian parod yn y banc ac mewn llaw**

Mae arian parod yn y banc ac mewn llaw yn cynnwys arian parod a buddsoddiadau hynod hylifol byrdymor gyda chyfnod aeddfedrwydd byr o dri mis neu lai o'r dyddiad caffael neu ddyddiad agor cyfrif adneuo neu gyfrif tebyg.

### **(k) Credydwyr a darpariaethau**

Caiff credydwyr a darpariaethau eu cydnabod pan fo gan yr elusen rhwymedigaeth gyfredol yn deillio o ddigwyddiad yn y gorffennol a fydd yn debygol o arwain at drosglwyddo cronfeydd i drydydd parti ac y gellir mesur neu amcangyfrif y swm sy'n ddyledus i setlo'r rhwymedigaeth yn ddibynadwy. Fel arfer, caiff credydwyr a darpariaethau eu cydnabod ar sail eu swm setlo ar ôl caniatáu ar gyfer unrhyw ostyngiadau masnach sy'n ddyledus.

### **(l) Offerynnau ariannol**

Dim ond asedau a rhwymedigaethau ariannol y gellir eu hystyried yn offerynnau ariannol sylfaenol sydd gan y cwmni. Caiff offerynnau ariannol sylfaenol eu cydnabod i ddechrau ar sail gwerth trafodion ac wedyn cânt eu mesur ar sail eu gwerth setlo.

### **(m) Pension schemes**

Prif gynllun pensiwn budd diffiniedig staff y Coleg yw Cynllun Blwydd-dal y Prifysgolion (USS). Mae'r cynllun yn gynllun budd diffiniedig a ariennir ac mae wedi'i gontractio allan o Gynllun Pensiwn y Wladwriaeth ar sail Enillion tan 31 Mawrth 2016. Caiff y cronfeydd eu prisio yn actiwaraid gan actiwari cymwysedig proffesiynol bob tair blynedd gan ddefnyddio naill ai'r dull cronni neu'r dull oedran a gyrhaeddwyd gyda chyfraddau'r cyfraniad sy'n daladwy yn cael eu pennu gan ymddiriedolwyr y cynllun ar sail cyngor yr actiwari.

Mae'r USS yn gynllun aml-gyflogwr ac nid yw'n bosibl nodi'r asedau na'r rhwymedigaethau i aelodau'r Coleg oherwydd natur gydfuddiannol y cynllun. Felly, cyfrifir am y cynllun fel cynllun budd ymdeol cyfraniad diffiniedig.

Cofnodir rhwymedigaeth o fewn darpariaethau unrhyw ymrwymiad cytundebol i ariannu diffygion blaenorol o fewn y cynllun USS.

## Nodiadau i'r datganiadau ariannol ar gyfer y flwyddyn a orffennwyd 31 Mawrth 2018 (parhad)

### (m) Cynlluniau pensiwm (parhad)

#### Amcangyfrifon a barnau sylweddol

Roedd yr amcangyfrifon a'r barnau sylweddol a ddefnyddiwyd wrth baratoi'r wybodaeth ariannol hon fel a ganlyn:

#### (i) Rhwymedigaethau budd ymddeol

Cyfrifir am yr USS fel cynllun cyfraniad diffiniedig gan nad oes digon o wybodaeth ar gael i ddefnyddio cyfrifyddu budd diffiniedig. Fodd bynnag, gan fod y Coleg yn gytundebol rhwym i dalu cyfraniadau i'r USS er mwyn ariannu diffygion blaenorol, darperir ar gyfer y rhwymedigaeth hon ar y fantolen.

Mae'r cynllun adfer diffygion a roddwyd ar waith gan yr USS yn nodi cyfran y cyfraniadau ariannol sy'n ymwneud ag adfer diffygion blaenorol, a'r cyfnod y'u hymrwymir iddo. Caiff y cyfraniadau diffyg ymrwymedig hyn eu hailasesu pan brisir y cynllun bob tair blynedd, ac maent yn sail i'r ddarpariaeth, ynghyd â thybjaethau ynghylch ffactorau chwyddiant a disgownt priodol. Mae rhesymoldeb y tybjaethau hyn yn effeithio ar lefel y ddarpariaeth.

### 2 Statws cyfreithiol yr Elusen

Mae'r Elusen yn gwmni cyfyngedig drwy warant ac nid oes ganddi gyfalaf cyfranddaliadau. Pe bai'r Elusen yn cael ei dirwyn i ben, mae'r rhwymedigaeth mewn perthynas â'r warant wedi'i chyfyngu i £10 fesul aelod.

### 3 Adnoddau sy'n dod i mewn o weithgareddau elusenol

#### Rhoddion

	Y flwyddyn a orffennwyd 31 Mawrth 2018 £000	Cyfnod o 8 mis a ddaeth i ben 31 Mawrth 2017 £000
Grantiau Llywodraeth Cymru	5,400	-
Grantiau'r Cyngor Ariannu	330	5,766
Incwm arall	408	211
<b>Cyfanswm</b>	<b>6,138</b>	<b>5,977</b>

## Nodiadau i'r datganiadau ariannol ar gyfer y flwyddyn a orffennwyd 31 Mawrth 2018 (parhad)

### 4 Dadansoddiad gwariant

Mae'r prif eitemau gwariant fel a ganlyn:

	Y flwyddyn a orffennwyd 31 Mawrth 2018 £000	Cyfnod o 8 mis a ddaeth i ben 31 Mawrth 2017 £000
<b>Gweithgareddau elusennol</b>		
Ariannu prosiectau Addysg	4,460	4,747
Costau cyflogaeth y Coleg – uniongyrchol	447	228
Costau cyflogaeth y Coleg – cymorth	541	348
Costau llywodraethu	50	38
Costau cymorth	674	474
	<b>6,172</b>	<b>5,835</b>

	Y flwyddyn a orffennwyd 31 Mawrth 2018 £000	Cyfnod o 8 mis a ddaeth i ben 31 Mawrth 2017 £000
<b>Costau cymorth</b>		
Marchnata a chyfathrebu	171	98
Hyfforddiant	68	39
Costau cytundeb rhwydwaith	246	141
Rhent	99	57
Gweinyddu	90	139
	<b>674</b>	<b>474</b>

Caiff costau eu dyrannu i gostau cymorth ar sail dadansoddiad o'r rheswm dros fynd i'r costau dan sylw.

	Y flwyddyn a orffennwyd 31 Mawrth 2018 £000	Cyfnod o 8 mis a ddaeth i ben 31 Mawrth 2017 £000
<b>Costau llywodraethu</b>		
Archwiliad allanol	14	13
Archwiliad mewnol	12	6
Cyfarfodydd yr Ymddiriedolwyr	24	19
	<b>50</b>	<b>38</b>

Gallai'r adnoddau a wariwyd gynnwys y costau canlynol:

	Y flwyddyn a orffennwyd 31 Mawrth 2018 £000	Cyfnod o 8 mis a ddaeth i ben 31 Mawrth 2017 £000
Dibrisiant	27	12
Cydnabyddiaeth yr archwilwyr	14	13

## Nodiadau i'r datganiadau ariannol ar gyfer y flwyddyn a orffennwyd 31 Mawrth 2018 (parhad)

### 5 Dadansoddiad o gostau staff a chydnabyddiaeth a threuliau'r ymddiriedolwyr

Ni chafodd yr Ymddiriedolwyr unrhyw enillion yn ystod y flwyddyn (cyfnod o 8 mis a ddaeth i ben 31 Mawrth 2017: £Dim). Talwyd treuliau o £23,646 (y flwyddyn a ddaeth i ben 31 Gorffennaf 2016: £19,477) i'r ymddiriedolwyr. Talwyd treuliau i 7 ymddiriedolwyr (cyfnod o 8 mis a ddaeth i ben 31 Mawrth 2017: 7).

#### Costau staff

Nifer fisol gyfartalog yr unigolion a gyflogwyd gan y Coleg yn ystod y flwyddyn oedd 23 (cyfnod o 8 mis a ddaeth i ben 31 Mawrth 2017: 22)

	Y flwyddyn a orffennwyd 31 Mawrth 2018 £000	Cyfnod o 8 mis a ddaeth i ben 31 Mawrth 2017 £000
Cyflogau	763	488
Costau nawdd cymdeithasol	81	52
Costau pensiwn eraill	119	36
	<b>988</b>	<b>576</b>

Nodir isod fanylion cyflogeion gyda chyflogau sy'n fwy na £60,000:

	Y flwyddyn a orffennwyd 31 Mawrth 2018 Nifer	Cyfnod o 8 mis a ddaeth i ben 31 Mawrth 2017 Pro rata Nifer
£70,000 – £80,000	1	1

### 6 Asedau sefydlog diriaethol

	Offer swyddfa £000	Offer cyfrifiadurol £000	Cyfanswm £000
<b>Cost</b>			
Ar 1 Ebrill 2017	52	146	198
Ychwanegiadau	3	8	11
Gwarediadau	(5)	-	(5)
<b>Ar 31 Mawrth 2018</b>	<b>50</b>	<b>154</b>	<b>204</b>
<b>Dibrisiant cronedig</b>			
Ar 1 Ebrill 2017	33	106	139
Tâl a godwyd am y cyfnod	8	19	27
<b>Ar 31 Mawrth 2018</b>	<b>41</b>	<b>125</b>	<b>166</b>
<b>Gwerth llyfr net</b>			
<b>Ar 31 Mawrth 2018</b>	<b>9</b>	<b>29</b>	<b>38</b>
Ar 31 Mawrth 2017	19	40	59

## Nodiadau i'r datganiadau ariannol ar gyfer y flwyddyn a orffennwyd 31 Mawrth 2018 (parhad)

7	<b>Dyledwyr</b>	<b>31 Mawrth 2018 £000</b>	<b>31 Mawrth 2017 £000</b>
	Dyledwyr masnach	100	5
	Rhagdaliadau ac incwm cronedig	104	36
		<b>204</b>	<b>41</b>

8	<b>Credydwyr: symiau sy'n ddyledus o fewn blwyddyn</b>	<b>31 Mawrth 2018 £000</b>	<b>31 Mawrth 2017 £000</b>
	Credydwyr masnach	52	12
	Trethiant a nawdd cymdeithasol arall	21	19
	Croniadau	57	15
	<b>Total</b>	<b>130</b>	<b>46</b>

9	<b>Darpariaeth pensiwn</b>	<b>Rhwymedigaeth i ariannu diffyg ar bensiwn USS £000</b>
	Ar 1 Ebrill 2017	253
	Gostyngiad mewn darpariaeth	(25)
	<b>Ar 31 Mawrth 2018</b>	<b>228</b>

### Diffyg USS

Mae'r rhwymedigaeth i ariannu'r diffyg blaenorol ar Gynllun Blwydd-dal y Prifysgolion (USS) yn deillio o'r rhwymedigaeth gytundebol â'r cynllun pensiwn am gyfanswm taliadau yn ymwneud â buddiannau o berfformiad blaenorol. Mae'r rheolwyr wedi asesu cyflogion y dyfodol o fewn y cynllun USS a thaliadau cyflog dros gyfnod y rhwymedigaeth gytundebol wrth asesu gwerth y ddarpariaeth hon.

### 10 Trafodion â phartion cysylltiedig

Yn ystod y cyfnod, cynhaliwyd y trafodion canlynol â phartion cysylltiedig:

- Talwyd swm o £4,460,000 (cyfnod o 8 mis a ddaeth i ben 31 Mawrth 2017: £4,747,000) i Sefydliadau Addysg Uwch er mwyn ariannu gweithgareddau addysgol yn y sefydliadau hynny.
- Buddion gweithiwr rheolwyr allweddol y Coleg oedd £328,000 (cyfnod o 8 mis a ddaeth i ben 31 Mawrth 2017: £198,000).

## **Nodiadau i'r datganiadau ariannol ar gyfer y flwyddyn a orffennwyd 31 Mawrth 2018 (parhad)**

### **11 Cwmni cyfyngedig drwy warant**

Mae'r Coleg yn gwmni cyfyngedig drwy warant ac felly nid oes ganddo unrhyw gyfalaf cyfranddaliadau.

Y sefydliadau canlynol yw gwarantwyr y cwmni:

- Prifysgol Aberystwyth
- Prifysgol Bangor
- Prifysgol Caerdydd
- Prifysgol De Cymru
- Prifysgol Glyndŵr
- Prifysgol Abertawe
- Prifysgol Metropolitan Caerdydd
- Prifysgol Cymru, y Drindod Dewi Sant
- Y Brifysgol Agored

Cyfyngir rhwymedigaeth pob aelod i £10, sef y swm y mae pob aelod yn ymrwymo i'w gyfrannu at asedau'r Coleg os caiff ei ddirwyn i ben tra ei fod yn aelod neu o fewn blwyddyn i'r dyddiad y daeth ei aelodaeth i ben, er mwyn:

- (a) talu dyledion a rhwymedigaethau'r Coleg a gafwyd tra ei fod yn dal i fod yn aelod,
- (b) talu'r costau, taliadau a'r treuliau sy'n gysylltiedig â dirwyn y Coleg i ben, ac
- (c) addasu hawliau'r cyfranwyr hynny ymhlith ei gilydd.

### **12 Cynllun pensiwn**

Cynllun Blwydd-dal y Prifysgolion (USS) yw'r prif gynllun sy'n cwmpasu staff, sy'n darparu buddion yn seiliedig ar gyflog pensiynadwy terfynol ar gyfer aelodau Cyflog Terfynol (sydd bellach ar gau i newydd-ddyfodiaid) a Buddion a Ailbrisiwyd yn ystod Gyrfa (CRB) ar gyfer newydd-ddyfodiaid ers 2011. Delir asedau'r cynllun ar wahân mewn cronfa a weinyddir gan yr ymddiriedolwr, Universities Superannuation Limited.

Oherwydd natur gydfuddiannol y cynllun, nid yw asedau'r cynllun wedi'u neilltuo i'r Coleg a sefydliadau unigol a phennir cyfraniad cynllun eang. Felly mae'r Coleg yn agored i risgiau actiwaraid sy'n gysylltiedig â chyflogeion sefydliadau eraill ac ni all nodi ei gyfran o asedau a rhwymedigaethau sylfaenol y cynllun ar sail gyson a rhesymol ac felly, fel sy'n ofynnol gan FRS102, mae'n cyfrif am y cynllun fel petai'n gynllun cyfraniad diffiniedig.

O ganlyniad, mae'r swm a godir i'r cyfrif incwm a gwariant yn cynrychioli'r cyfraniadau sy'n daladwy i'r cynllun o ran y cyfnod cyfrifyddu. Fodd bynnag, o dan y SORP Elusennau newydd (FRS102), mae rhwymedigaeth hefyd wedi'i chofnodi o fewn darpariaethau ar gyfer unrhyw ymrwymiad cytundebol i ariannu diffygion blaenorol o fewn yr USS. Gall symudiadau yn y ddarpariaeth hon hefyd arwain at daliadau i'r cyfrif incwm a gwariant fel y dangosir yn nodyn 9 uchod.

**Nodiadau i'r datganiadau ariannol  
ar gyfer y flwyddyn a orffennwyd 31 Mawrth 2018 (parhad)**

13 Offerynnau ariannol

	<b>31 Mawrth 2018 £000</b>	<b>31 Mawrth 2017 £000</b>
<b>Asedau ariannol</b>		
Asedau ariannol sy'n offerynnau dyled a fesurir ar gost amorteiddio	<b>100</b>	<b>5</b>
<hr/>		
<b>Rhwymedigaethau ariannol</b>		
Rhwymedigaethau ariannol a fesurir ar gost amorteiddio	<b>109</b>	<b>27</b>
<hr/>		

Mae asedau ariannol a fesurir ar gost amorteiddio yn cynnwys dyledwyr masnach.

Mae rhwymedigaethau ariannol a fesurir ar gost amorteiddio yn cynnwys credydwyr masnach, credydwyr eraill a chroniadau.